

Liujcouh:Boux Lauxhangz Gisuz Bang Ginzcong Dungcuz Banh Saeh

柳州专业技术人员为侗乡群众服务

Mboengqgonq, Liujcouh Si miz 27 boux lauxhangz gisuz maenhndei bae daengz Sanhgyangh Dungcuz Swciyen Linzhih Yangh Gvandungh Cunh Mbanjvansiuj, bang ginzcong dangdieg yawjbingh, son nungzyez gisuz daengj, ndaej daengz gyoengq ginzcong dangdieg haenhndei.

Doiq aen vwndiz lajmbanj gihcwngz boux lauxhangz gisuz noix neix, Liujcouh Si youq Sanhgyangh Dungcuz Swciyen、Yungzsuij Myauzcuz Swciyen、Yungzanh Yen daengj sam aen yienh gungzhoj neix, laebbaenz aen “bouxlauxhangz fuzvu gihcwngz gunghcozcan”, laeb aen bingzdaiz bouxlauxhangz bang hong gihcwngz, laebbaenz le aen gihci raeznanz “geiqmaeuz bang gungz” ndeu.

(Lij Binh)



▲ Liujcouh Si Yinzminz Yihyen canghyw bang ginzcong genjcaz ndang-daej.



▲ Liujcouh Si Nungzyez Gisuz Duihgvangj Cunghsinh boux gisuzyen son ndaem gocaz gisuz hawj ginzcong.

Bwzguyauz Fung-cingz Maez Bouxhek

白裤瑶风情醉游人

Nanzdanh Yen seizneix yaek miz 3 fanh vunz Bwzguyauz, gyoengqde cujau comzyouq Bazhih、Lijhuz song aen Yauzcuz yangh. Bwzguyauz ndaej Lenzhozgoz Gohgyau Vwnzvei Cujciz beijguh “yinzlei vwnzmingz hozvasiz”. Gij buhvaq vwnzva、gietaen vwnzva、lwggyangq vwnzva、daicangq vwnzva、fwenbeij vwnzva Bwzguyauz saenzmaed youh geqget buzsu, gig miz daegsaek. 9 nyied 27 hauh, Lijhuz Yauzcuz Yangh 40 lai boux mbwksai youq ndaw mbanjmoq hawj bouxyouz yienj Bwzguyauz minzsuz vwnzva.

(Fu Lungziengz)




▲ Bwzguyauz beixnuengx diuq foux-duzlingz.



▲ Bwzguyauz mehmbwk youq baihnaj douranz geuj mae.

Nazmbaeklae Lungzswng Gyaеundeі Lai

龙胜梯田美不胜收



Lungzswng Gak Cuz Swciyen soqlaiz ndaej vunz heuhguh dieg “ fanh bya hopngomx, haj raemx baen lae”, deihsei q de baihdoeng、baihnanz、baihbaek sang, baihsae daemq. Gij raemx saw bya sang neix sawj funghgingj Lungzswng gyaеundeі lumj fukveh. Dieg funghgingj ceiq gyaеundeі suenq dwg nazmbaeklae de. Seizneix, fanh moux nazmbaeklae ndawde gohaeux cingq baenzsou. Gohaeux henjrwgrwg nanwnwt haenx ei mbaeklae hwnjbae, dawz gaiq nazmbaeklae hoemq ndaej maedmaed saedsaed, yawj gizgyae bae, gohaeux henjrwg mbaek cie p mbaek, caengz dem caengz, lumj diuz mbaeklae dawz gwnzmbwn caeuq lajdeih doxlienx hwnjdaeu j nei, gyaеundeі raixcaix.

(Siz Nungzbingh)

◀Nazmbaeklae Lungzswng henjrwgrwg.

Biek Libuj Rang Doh Lajmbwn

荔浦芋香飘天下

Mboengqgonq, Cunghyangh Densidaiz 《Byaij Doh Lajmbwn》lanzmuzcuj daeuj daengz gih raeuz Libuj Yen, yaek youq gizneix ingj aen cezmu z “biekvuengz doxdax”. Gyoengqde aeu guh nohgouyuz biek Libuj、bingjbiek、ndaem biek、laeujbiek guh cungdenj senhconz neiyungz, bae daengz Siuhyinz、Cinghsanh、Sinhbingz、Licwngz daengj sei q aen yanghein ingjciuq, youq neix ingj baenz 5 ngoenz bae. Cunghyangh Densidaiz senhconz le biek Libuj, cungfaen baijyienh gij meiliz vwnzva biek Libuj.

(Liz Cwnyungj Liz Cauzgunh)



▲ Biek Libuj aen youh luenz youh hung.

◀Guh nohgouyuz yienhciengz.